

ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

14) Եկեղեցւոյ հայրերը ինչպէ՞ս կը մեկնաբանեն Յիսուսի մկրտութեան դրուագը:

Սկիզբէն ի վեր Ս. հոգին ջուրերու վրայ առանց կերպարանքի կը շրջէր յորինելու համար արարածներու տարրը, որուն նախանձող թշնամին ոտնակոխ ըրած էր: Այնտեղ աղանակերպ հոգին արարածներուն ապականութիւնը վերստին հրաշագործեց, յաւիտեանապէս ծածկուած խորհուրդը ճանչցուց, յայտնելով երրորդութեան անձնաւորութիւնը...: Սկիզբէն ի վեր երկիրը ջրհեղեղի կորուստով կ'ապականի, իսկ այստեղ մկրտութեան ջրհեղեղով կը կենդանանայ: Ոչ թէ արարածներու բնութեան ընկղմամբ, այլ՝ մեղքերու գործի ընկղմումով:

Այնտեղ մարդկային սերունդի ջուրերուն մէջ թաղուելը ապականութիւն յառաջացուց, իսկ այստեղ ջուրերուն մէջ թաղուելը նորոգուել է եւ կեանքի հաղորդութիւն:

Այնտեղ չիղաբեր աղանին բարկութենէն իջնելու լուր կ'աւետէր, այստեղ աղանիի նմանութիւնը կեանքի ապահովութեան եւ աստուածութեան հետ մշտնջենաւոր յարատեւութիւնը կ'աւետէ հօր ձայնով, որ որդիին սիրելիութիւնը կ'ազդարարէ:

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԸԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ Ց-ՔՐԻՍՏՈՍԻ ԵՐԿՐՈՐԴ ԳԱԼՈՒՍՏԸ

Որովհետեւ Տէրը ինք ազդարարութեան հրամանով, հրեշտակապետին ձայնով եւ Աստուծոյ փողով երկինքէն պիտի իջնէ եւ Քրիստոսով մեռածները նախ յարութիւն պիտի առնեն... Յետոյ մենք ալ, որ ողջ մնացած ենք՝ անոնցմով մէկտեղ պիտի յափշտակուինք ամպերով Տիրոջ առջեւ ելլելու օդին մէջ եւ այնպէս յաւիտեան Տիրոջ հետ պիտի ըլլանք» (Ա. Թեա. 4.14-16): Ահա թէ ինչու Յայտնութեան գիրքին սկզբնաւորութեան, Յովհաննէս առաքեալ Քրիստոսի վերահաս գալուստին համար կը գրէ. «Ահա ամպերով կու գայ. եւ ԱՄէՆ ԱԶՔ ՊԻՏԻ ՏԵՄՆԷ ԶԱՆԻԿԱ» (Յայտ. 1.7):

9- ՄԵՌԵԼՆԵՐՈՒ ՅԱՐՈՒԹԻՒՆ

Մեռելներու յարութեան մասին Եհովայի վկաներ չնաշխարհիկ նորութիւններ ունին:

ա. Կ'ըսեն, թէ երբ մեռելներու յարութեան ժամանակը գայ, մեռելները իրենց ներկայ մարմինով յարութիւն պիտի չառնեն, այլ՝ թէ այս մարմինները ամբողջութեամբ պիտի փճանան եւ անոնց փոխարէն՝ յարութիւն առնողներուն նորաստեղծ մարմին մը պիտի տրուի...:

Միրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.



ՔՈՒ ԽՕՍԲԴ ԽՄ ՈՏԹԵՐՈՐԽ ԵՐԱԳ Է ՈՒ ԽՄ ԸՃԻՂՆԵՐՈՐԽ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 22 ՅՈՒՆԻՍ 2018 ԹԻՒ 29

ԿԻՐԱԿԻ ՕՐԵՐՈՒ ԱՍՏՈՒՄԱՆՆԶԱԿԱՆ ԸՆԹԵՐՅՈՒՄՆԵՐ
Ես. 5.1-10: Ա. Կր. 6.15-7.11:
ՅԻՍՈՒՍ ԲՐԻՍՏՈՍԻ ԱԲՏԱՐԱՆԸ ԸՍՏ ՄԱՏԹԵՈՍԻ 19.3-12

Փարիսեցիներ Յիսուսը փորձելու մտադրութեամբ մօտեցան անոր եւ հարցուցին. «Իրաւունք ունի՞ մէկը որեւէ պատճառով իր կինը արձակելու»:

Յիսուս անոնց պատասխանեց. «Չէ՞ք կարդացած Սուրբ Գիրքերուն մէջ, թէ Աստուած սկիզբէն արու եւ էգ ստեղծեց մարդիկը եւ ըսաւ անոնց. «Այս պատճառով այրը պիտի ձգէ իր հայրն ու մայրը եւ իր կնոջ միանայ, եւ երկուքը մէկ մարմին պիտի ըլլան»: Հետեւաբար այլեւս երկու չեն, այլ՝ մէկ մարմին: Ուրեմն ոեւէ մէկը թող չբաժնէ անոնք՝ որ Աստուած միացուց»:

Փարիսեցիները դարձեալ հարցուցին. «Հապա ի՞նչու Մովսէս օրէնք սահմանեց՝ բաժանման թուղթ տալ կնոջ եւ արձակել զայն»: Յիսուս պատասխանեց. «Մովսէս ձեր իստասարտութեան պատճառով արտօնեց արձակել ձեր կիները, սակայն ստեղծագործութեան ժամանակ արձակելու խօսք չկար: Գիտցէք նաեւ, թէ ով որ իր կինը կ'արձակէ առանց պոռնկութեան պատճառի եւ ուրիշ մը կ'առնէ՝ շնութիւն ըրած կ'ըլլայ եւ ով, որ արձակուած կինը կ'առնէ՝ ան ալ շնութիւն ըրած կ'ըլլայ»:

Աշակերտները ըսին Յիսուսի. «Եթէ ամուսնութիւնը այդպէս դատապարտութեան պատճառ կրնայ ըլլալ այր մարդուն եւ կնոջ համար, աւելի լաւ է չամուսնանալ»:

Յիսուս ըսաւ. «Բայց ամէն մարդ չի կրնար առանց ամուսնութեան մնալ, այլ՝ միայն անոնք, որոնց Աստուած կարողութիւն տուած է: Որովհետեւ մարդիկ չեն ամուսնանար այն պարագաներուն, երբ ծնունդով ներքինի են կամ մարդոց կողմէ ներքինի եղած են եւ կամ իրենք զիրենք ներքինի դարձուցած են Աստուծոյ արքայութեան համար: Ով, որ կրնայ ընդունիլ իմ հաստատումս, թո՛ղ կատարէ զայն»:

ՍՈՒՐԲԵՐ ԵՒ ՏՕՆԵՐ

ԳՐԻԳՈՐԻՍ ԵՊԻՍԿՈՊՈՍ, ՅՈՒՍԻԿ ՀԱՅՐԱՊԵՏ

ԳՐԻԳՈՐԻՍ ԵՊԻՍԿՈՊՈՍ

Վրդանէսի անդրանիկ որդին, Գրիգոր Լուսաւորիչի թոռնիկն է Գրիգորիսը, որ ըստ պատմութեան Խորենացոյ, եպիսկոպոս ձեռնադրուեցաւ Թայտակարան նահանգի, կամ ըստ յետնագոյն վկայութեանց, վրաց եւ աղուանից: Իր դէմքը մեր եկեղեցական պատմութեան մէջ կը ներկայացնէ Հայ Եկեղեցոյ կողմէ դրացի հեթանոս ազգերուն մէջ քրիստոնէութիւնը քարոզելու համար ի գործ դրուած ջանքը, որ յաճախ նահատակութիւններու ալ պատճառ դարձաւ: Կը պատմուի իրեն համար, թէ անարժան ցեղապետներու դէմ կշտամբող դիրք բռնած ըլլալուն համար, ձիու ազիին կապուելով քաշկռտուած է քարերու եւ թուփերու վրայէն, Կասպից ծովուն մօտ Վատնեան դաշտին մէջ եւ այսպէս մեռած ու Փոքր Սիւնիքի Ամարաս աւանին մէջ թաղուած է իր սարկաւազներուն ձեռքով: Իսկ 5-րդ դարուն, աղուանից Վաչական թագաւորին օրով իր նշխարները գտնուած ըլլալով, անոնց վրայ եկեղեցի մը շինուեցաւ Ս. Գրիգորիս անունով, 489-ին:

ՅՈՒՍԻԿ ՀԱՅՐԱՊԵՏ

Վրթանէսի երկրորդ որդին, որ տղայ հասակին ամուսնացաւ Տիրան թագաւորի աղջկան հետ, եւ դեռ շատ երիտասարդ՝ կաթողիկոս դարձաւ: Ունեցաւ երկու զաւակներ՝ Պապ եւ Աթանգինէ: Ձեռնադրութիւնը ընդունեցաւ Կեսարիոյ մէջ: Մեր եկեղեցական պատմութեան մէջ Յուսիկ կը ներկայացնէ քաղաքական իշխանութեան դիմադրող կրօնական գիտակից ոյժը:

Ըստ Խորենացոյ, Յուսիկ եւ Տիրանի հակառակութեան շարժառիթն եղած պիտի ըլլայ Յուսիանոս Ուրացոյի պատկերը, գոր իբր թէ Տիրան կ'ուզէր եկեղեցոյ մէջ դնել, եւ գոր Յուսիկ մերժեց: Բայց որովհետեւ այս պարագան հաստատելու համար թուականի դժուարութիւններ կան ատելի հաւանական էր, որ Տիրանի ներքին կեանքին վերաբերմամբ խիստ գտնուած ըլլալուն համար բարկութիւնը գրգռեց Տիրանի, որ բրածեմ մահուամբ սպաննեց զայն 347-ին, Ծովագ Բարսեղ քաղաքին մէջ, 52 տարեկանին: Թաղուեցաւ Դարանաղեաց գաւառի Թարդան աւանին մէջ:

Ջայդոււմ պապարտիան յաճիւն

Ի՞ՆՉ ՆՇԱՆԱԿՈՒԹԻՒՆ ՈՒՆԻ «ԽԱՂԱՂՈՒԹԻՒՆ ԱՄԵՆԵՑՈՒՆ»Ը, ՈՐ ՔԱՀԱՆԱՆ ՊԱՏԱՐԱԳԻ ԸՆԹԱՅՔԻՆ ՅԱՃԱԽ ԿԸ ԿՐԿՆԷ

Հետեւեալ իմաստը ունի. նախ՝ Քրիստոս իր ծնունդով երկինքի եւ երկրի միջեւ խաղաղութիւն հաստատեց, ինչպէս հրեշտակները երգեցին: Ապա՝ մկրտութենէն ետք աշխարհին արքայութեան Աւետարանը սկսաւ քարոզել եւ Աստուծոյ հետ հաշտութեան ճանապարհը սկսաւ ուսուցանել: Ի վերջոյ, մատնութեան երեկոյին, առաքելներուն աւանդեց ըսելով. «Խաղաղութիւն կը թողում ձեզի: Իմ խաղաղութիւնս է որ կու տամ ձեզի» (Յհ. 14.27), եւ քահանան Քրիստոսէն առնելով խաղաղութիւնը, ժողովուրդին կու տայ:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԱՍՏՈՒԱԾ ԿԸ ԼՍԷ ՄԵՐ ԱՂՕԹՔՆԵՐԸ, ԵԹԷ ԻՐ ԿԱՄՔԻՆ ՀԱՄԱՁԱՅՆ ԵՆ

1. Իրիկունը, առտուն ու կէսօրը պիտի գանգատիմ ու հառաչեմ: Անկա պիտի լսէ իմ ձայնս: (Սաղմոս 55:17)
 2. Զիս պիտի փնտոէք եւ գտնէք, ձեր բոլոր սրտով պիտի խնդրէք զիս ու ես ձեզի պիտի երեւիմ, կ'ըսէ Տէրը: (Եր. 29:13)
 3. Արդարեւերը կ'աղաղակեն եւ Տէրը կը լսէ ու իրենց բոլոր նեղութիւններէն կը փրկէ զանոնք: (Սաղմոս 34:17)
 4. Համարձակ կերպով կը դիմենք Աստուծոյ այն վստահութեամբ, որ երբ իր կամքին համաձայն բան մը խնդրենք՝ կը լսէ մեզ: (Ս. Յովհաննու 5:14)
 5. Խնդրեցէ՛ք Աստուծմէ եւ պիտի տայ ձեզի, փնտոեցէ՛ք եւ պիտի գտնէք, բախեցէ՛ք եւ պիտի բացուի ձեզի: (Մատթէոս 7:7)
 6. Եթէ այդպէս է կը նշանակէ, թէ անոնք որ Քրիստոս Յիսուսի միացած են՝ դատապարտութեան ենթակայ չեն, քանի մարմնաւորապէս չեն ապրիր, այլ՝ հոգեւորապէս: Որովհետեւ Հոգին Օրէնքը զիս Քրիստոս Յիսուսի միացնելով կենդանացուց եւ ազատեց մեզի եւ մահուան ենթակայութենէն: Արդարեւ, ինչ որ Օրէնքը չի կրնար ընել մարդկային բնութեան տակ ըլլալուն պատճառով, Աստուած իրագործեց՝ աշխարհ զրկելով իր Որդին...
- Շարունակել կարդայ (Հոռոմայեցիներու 8): Ամէն օր կարդանք Աստուածաշունչը եւ ունենանք հոգեւոր սնունդ:*

ՀՈԳԵՒՈՐ ԽՈՐՀՐԴԱՏՈՒ

ՆՈՒԻՐԵԼ ԱՌԱՆՑ ԱԿՆԿԱԼՈՒԹԵԱՆ

«Ի՞նչ օգուտ, եթէ բոլոր ինչքերս աղփատներուն տամ եւ նոյնիսկ մարմինս կրակի մատնեմ, եթէ սէր չունիմ՝ ոչինչով կ'օգտուիմ» (Ս. Կր. 13:3): Մարդիկ իրենք զիրենք գոհեն թէ իրենց ունեցածը գոհեն՝ ոչինչով կ'օգտուին, եթէ Յիսուսի հանդէպ սէրէ մղուած չէ, որ կ'ընեն այդ բոլորը: Ոմանք առատ նուիրատուութիւններ կ'ընեն այն ակնկալութեամբ եւ յոյսով, որ անոնց փոխարէն պիտի ստանան դատաստանի օրը եւ պիտի փառաբանուին: Ան, որ կը նուիրէ անոր փոխարէնը առնելու յոյսով՝ ան ինքզինքն է որ սիրած կ'ըլլայ եւ ո'չ թէ զՔրիստոս: Մենք որոշ բանի մը համար չէ, որ կը հրաժարինք որոշ բաներէ, այլ՝ Յիսուսի համար: Յիսուս նուէր չէ որ կը փնտոէ, այլ՝ նուիրում:

ՆԵՂՈՒԹԵՆԷ ԵՏՔ ՕԳՆՈՒԹԵԱՆ ԱՂՕԹՔ

Ով Տէր, քու սրտմտութիւնովդ զիս մի՛ յանդիմաներ եւ քու բարկութիւնովդ զիս մի՛ խրատեր:

Ով Տէր, ողորմէ՛ ինձի, վասն զի տկար եմ եւ զիս բժշկէ, ո՛վ Տէր, վասն զի ոսկորներս կը սարսափին: Իմ անձս ալ խիստ սարսափեցաւ. եւ դուն, ո՛վ Տէր, մի՛նչեւ ե՞րբ:

Դարձի՛ր, ո՛վ Տէր, փրկէ՛ իմ անձս, Քու ողորմութեանդ համար զիս ազատէ: Վասն զի մահուան մէջ քեզ յիշատակել չկայ: Գերեզմանին մէջ ո՞վ քեզի շնորհակալութիւն պիտի յայտնէ: Հառաչանք ընելէ յոգնեցայ: Ամէն գիշեր կը լուամ իմ անկողինս, արցունքներով կը թրջեմ իմ մահիկս: Իմ աչքս մաշեցաւ տրտմութենէն: **ՍԱՂՄՈՍ 6**